

Onisiny 7

1. Waa`g hatle he tagmaninya bii meete ki eg?

-Erkoba edhum he man.

-Erkoba bii lulle gaa ongo`de.

2. Ram erkoba hate Waa`g hi tagniye?

-Waa`g edhum tagniyeka `dee takama he wote.

3. Waa`g ram naamaka bii `dug ur hate tagniye?

-Waa`g bii `dug ur tagniyela `dee takama wote.

4. Waa`g bie ubaa les hate wol af eiy gaa tiye?

-Waa`g bie `daa tigid ur `du ediche.

-Waa`g bie `daa `giteka les `du ediche.

5. Les me gogoka hi ye ka `diyo bie hi bii el ki `gisat maa yieka maya?

-Waa`g.

6. Waa`g bie hi bii el ki `gisat chie ubaa bie hi a malela `daa mare?

-Keyieka `daa giri Waa`g bie tagniyeka.

7. Waa`g `guor hate tagniye?

-Waa`g `guor lulle tagniyela `dee takama wote.

8. Waa`g `guoro gaal yia tagniye?

-Waa`g `guoro gaalato tagniye.

9. `Daa mare Waa`g `guoro lulle tagniye?

-`Daa giri Waa`g gaalat giela.

10. Waa`g aadho, `gui ubaa hidhino hate tagniye?
-Waa`g aadho, `gui ubaa hidhino tagniyela `dee takama wote.

11. Waa`g bee ubaa kimire hate tagniye?
-Waa`g bee ubaa kimire tagniyela `dee takama wote.

12. Waa`g bee ubaa kimire gaal yia tagniye?
-Waa`g bee ubaa kimire gaalato tagniye.

13. `Daa mare Waa`g bie ubaa kimire lulle tagniye?
-`Daa giri Waa`g gaalat giela.

14. Waa`g he lulle tagniye argiyeka hate chie?
-Waa`g he lulle midhab chie.

15. `Daa mare Waa`g he lulle hat saas mana tagniye?
-Keyieka `daa giri Waa`g saas mana.

-Waa`g ram leka mete tagniye?

Erkob 1:24-25

24-Aale Waa`g kieye, les he luolgolka, hat kaana aany, `guure, ta bine hatle met hi wol ka eiyeka lulle hi ye gaa `die. He do hat kinaal `die.

25-Aale Waa`g bine, ubaa aany, ta `guur hatle met hi wol ka eiyeka tagniye. Waa`g he kinaal hat midhabka argiye.

-Ram leka Waa`g bine lulle tagniye.

-Waa`g bine met mia tagniye?
-He toye man.

-Bine lulle mai tagnanu hi uroka maya?

-Waa`g takama.

-Bine mai tagnanu hi uroka Waa`g takama.

-Waa`g bine lulle tagniye hi `gaa dueka les in afnaala he tagle taale.

-Waa`g les tagniyeka Waa`g galle `gasoka ta he Satan ubaa arjanle?

-He muniny.

-Ta Waa`g les maya tagniye?

-Waa`g les tagniyeka `daa muuni `daa gaalat.

-Waa`g muuni ki gaalat alla `daa giri gaal giela les saas mana gaal tagniye.

-Waa`g les alla `daa giri galle `gasoka he tagmaniny.

-Waa`g les alla `daa giri arjan he tagmaniny.

-Waa`g les alla `daa giri Satan he tagmaniny.

-Waa`g les alla tagniyela `daa giri muuni ke gaalat takama.

-Waa`g `daa giri muuni ke gaalat gaal les tagniyeka he wogotia ki toyo.

Erkob 1:26

26-Aale Waa`g kieye, Gaal hat muun ki eg, yaalmit kunno ka `gieka ki tagnuo. Gaal hi bee, kimir, aany, ta he lulle les gaa seseenka ubaa les tuudle he gaa muumuro, chie.

-Gaal hat muun ki eg yaalmit kunno ki tagnuo Waa`g chie.

-Waa`g `deeny heela maya he geyiche?

-Waa`g Baba, Waa`g Veel ubaa Waa`g Him Naasan wol gediche.

-Waa`g Baba, Waa`g Veel ubaa Waa`g Him Naasan `daa giri gaal hat muun ki eg, yaalmit kunno `guoka ki tagnaniyoka wol geyiche.

-Waa`g hele tagniyeka lulle he `du gudoka meete?

-Gaalat.

-Waa`g hele tagniyeka lulle gaalat `daa giri `du gudoka hate Waa`g mu`de?

-Gaalat hat Waa`g ki eg mi mure.

-Gaalat ubaa bine hate wol ka eiyeka Waa`g tagniye?

-Waa`g gaalat hat mi in ki ega tagniye bine in he Waa`g mai egeniny.

-Gaalat hat Waa`g ki eg mi tagniye keyieka in meete?

-Waa`g hat gon mi in ki eg tagniyeka gon gaal argoka muniny. Keyieka Waa`g so ubaa laf he man.

-Waa`g hat gon mi in ki eg tagniyeka gon gaali ma arginya.

-Waa`g hat gon mi in ki eg tagniyeka sidh kunno.

-Sidh kunno met hi wol ka sede.

-Sidh kunno he kantach ger `guwan ubaa fe`ditle `gayo.

-Kantach kunno ger `guwan ubaa fe`ditle hat Waa`g ki tagniye.

-Gaalat gonle al mare hat Waa`g ki eg mi tagniye?

-Kantach kunno ger guwan ubaa fe`ditle lulle.

-Waa`g hat gon mi in ki eg tagniyeka tigide kantach.

- Waa`g `daa giri kantach `gayoka gaalat mi tagniyeka ubaa kantach `gaa.
- Waa`g `daa giri ta`b`do`doteka muuni ubaa ki ta`b`do`doteka mi fe`de.
- Waa`g kantach kunno meete ki tagnanuka fe`de?
- Waa`g kantach kunno he midhaba lulle ki ta`b`do`dota he fe`de.
- Muuni ki Waa`g ta`b`do`dota Waa`g hi fe`de.
- Muuni `daa giri ke Waa`g ta`b`do`dota ubaa mi in ke onoteka fe`de.
- Tim chuk gere al gaalat mana bine wol af yedianka iti fe`de?
- Ii iti ma fe`deny.
- `Daa mare?
- Keyieka bine `daa giri ta`bma`do`don ubaa `dee ma wogonka.
- Hat shel kunno ki wol gediola Waa`g ubaa ki wol gedioka hi fe`de.
- Waa`g kantach `gayo gaalat mi tagniyeka kantach shie.
- Waa`g in ki onoteka gaal kantach shiche.
- Waa`g hat gon mi in ki eg tagniyeka he naama ger guwan.
- Waa`g `daa giri ger guwan `gayoka gaalat mi tagniyeka ubaa ger guwan `gaa.
- Waa`g ger `gaa men he u`do muun ubaa gere gaal `gaa metka he fe`de.

-Muun Waa`g gerle gaal `gaa metka Waa`g he fe`de.

-Waa`g ini ki `gelneteka he fe`de.

-Waa`g he ne`bet he udo.

-Waa`g meete he ne`b?

-Waa`g adab lulle he ne`b.

-Adab meete?

-Adab he Waa`g ma fe`dinya.

-Adab he Waa`g ma fe`dinya lulle.

-Waa`g ger `gaa `de`deeneteka he udo.

-Waa`g meete hi ger `gaa `de`deeneya?

-Maa Waa`g ma gelnnya Waa`g ger hi `gaa `de`deeneya.

-Itin hat giri hi umkicho gielka hat kinaala itin ubaa Waa`g hi giel.

-Waa`g ger guwan `gayo muun ubaa gaal ger guwan tagniye.

-Waa`g `daa mare gaal ger guwan shiche?

-Mi in ki gelneta.

-Waa`g hat gon mi in ki eg tagniyeka he sedeka fe`diti.

-Waa`g `daa giri fe`dit `gayoka gaalat mi tagniyeka ubaa fe`dit `gaa.

-Waa`g he fe`do chirateka he udo muun ubaa ki mi chirateka he fe`de.

-Waa`g fe`dit kinynyo mete ki egemeyoka he fe`de?

-Waa`g fe`dit kinyo he midhabka ki egemeyoka he fe`de.

-Waa`g in ki chirateka he fe`de,

-Waa`g in ki chirateka ubaa sidh kunno he midhabka `gaa ki egemeyoka he fe`de.

-`Jiet ki `daranka he marta `daranoka he og?

-He mog.

-`Daa mare mog?

-Keyieka `daa giri `jiet fe`dit man.

-Kadich hi war `gaa kukowatala al itin seseena he og?

-He mog.

-`Daa mare mog?

-Keyieka kadich `daa giri fe`dit man.

-Waa`g `daa giri fe`dit `gayoka gaalat mi tagniyeka ubaa fe`dit `gaa.

-Waa`g fe`dit gaal shiche `daa giri mi in ki chirateka he ki uro.

-Waa`g `daa giri maa erkoba tagniyeka eba ki toyo.

Erkob 1:27

27-Aale Waa`g gaalat ka kuonne, gaal yaalmitle taganiye. Waa`g maa yab ubaa maa `diet tagniye.

-Waa`g erkob gaal mia tagniye?

-Maa yab tigide ubaa maa `diet tigide takama tagniye.

-Erkob Waa`g maa yab tagniye.

-Waa'sela Waa`g maa `diet tagniye.

-Maa erkoba menyle hate yie?

-Adam.

-Maa yab ubaa maa `diet erkoba mai taganiya maya?

-Waa`g.

-Maadhat Waa`g takama hi tagniye.

Erkob 2:7a

7-Aale Yoowa Waa`g maa yab eed taganiye, mu sonom in him luolmitika ki niye.

-Waa`g Adam les eedle taganiye.

-Hate Adam afnaala sidh manay?

-`Daa giri Waa`g he Adam him ma kininy.

Erkob 2:7b

7-Maa yab kinaal sidh kaadhdhe, loolnodhe.

-Adam sidh kaadhia `daa giri Waa`g him ki ni ijeka.

-Gaalat him sidh mai ki nanuka hi uroka Waa`g takama.

-Sidh shien mai uroka Waa`g takama.

-Gaalat hidh lulle maa erkoba Adam.

-Gaalat hidhle lulle `jaale, Adam.

-Erkob Waa`g gaal edh ubaa gaal ongor he tagmaniny.

-Erkob Waa`g maa yab tigide ubaa maa `diet tigide takama tagniye.

-Gaalat lulle `daa Adam ye `gaa `diye.

-Gaalat lulle Adam hidhle.

-Waa`g Adam tagniyeka waasela kansim mare mu shiche?

Erkob 1:28

28-Waa`g gaal `du `guunuane, `dalaa, hol hoyie, les koch yiedhie, les he `gaa muumura. Bee ubaa kimir, taale les helle luogol, hi `gaa seseenka, lulle he ki muumura, Waa`g hi chie.

-Waa`g Adam les lulle kansimle shiche.

-Waa`g galle gasoka hate les alla kansimle manay?

-Keyieka Waa`g les alla kansimle maa shicheka maadhat takama.

-Arjan hate les alla kansimle manay?

-Keyieka Waa`g les alla kansimle maa shicheka maadhat takama.

-Les mai tagniyeka maya?

-Waa`g.

-Les alla les maya?

-Waa`g hele.

-Maadhat les alla kansimle egeta mai muria maya?

-Waa`g.

-Waa`g he lulle tagniyeka waassela meete chie?

Erkob 1:31

31-Aale Waa`g he tagniyeka lulle dhayche. Waa`g he lulle hat sum midhabka argiye. Bii do ka churaye, ka bi`de. He kinaalla kulich ki leka.

-Waa`g he lulle tagniyeka waasela hate sum midhabka dhache.

-Waa`g `daa giri saas manka he mi tagniyeka lulle he saas man.

-Erkob les alla maadhat sidhle meete ka taale?

-Erkob lool he manay.

-Erkob ne`bet he manay.

-Erkob he `deewa he manay.

-Erkob kufach he manay.

-Erkob Waa`g he lulle hat saas mana tagniye.

-Waa`g les saas mana tagniyeka he dhaycheka he mi maya?

-Waa`g galle `gasoka, Satan ubaa arjanle.

-Waa`g galle `gasoka Waa`g he lulle hat saas mana tagniyeka dhayche.

-Ger hi `gaa medhe.

-Waa`g les saas mana tagniyeka Satan ubaa arjanle he ger `gaa medhe?

-He ger hi ma `gaa meen.

-Satan ubaa arjanle Waa`g he lulle hat saas mana tagniyeka dhaycheka sum idhane.

-Satan ubaa arjanle maadhat hat Waa`g ki eg dhaycheka get idhane.